

prima comprehenduntur Hordæ, quas vocant, seu Tribus: in secunda Zagatai, una cum omnibus populis usque ad montem Uxontem & desertum Loppo: In tertia Cathay, cum omnibus provinciis, quæ se extendunt inter desertum Loppo & Chinam: in quarta habet Belgian, Argon, Arsaret, Ania, regiones nobis fere incognitas.

## DE HORDIS TARTARORUM.

**T**artari, qui in Hordis vivunt, partim Moscoviæ Duci, partim Magno Chan, partim peculiaribus parent regulis.

Sub Mosco Horda Cason, est, quæ civitas est ad Volgam fluvium, olim Rha. Casanis subsunt Vacchini & Ceremessi, populi Magiæ deditissimi. A Casana, Astracam usque, quæ & ipsa Mosco subdita est, iter unius mensis fere expedito patet, per deserta vastissima.

Astracana ad Volgam fluvium jacet, emporium olim celebre.

Inter Volgam & Sur fluvium qui se in lacum Kitayensem exonerat, sedent Nagaini,